

钓鱼城诗刊

袁隆腾 题

编者按

近日,钓鱼城文旅公司联手钓鱼城诗书画院,邀请著名诗人陈仁德携部分诗友登钓鱼城采风,得诗词28首,加上著名诗人、我区德艺双馨艺术家凌泽欣存稿十绝句,共38首于本版发表,以饕读者。



凌泽欣(合川)

钓鱼城十绝句

题钓鱼台

鱼山百丈高,据险压狂涛。
上有仙人坐,持竿可钓鳌。

陪蜀诗人夜览王坚记功碑

慕名连夜仰王坚,断壁残岩古字斑。
以火来看元石刻,依稀认得宋江山。

夜游钓鱼城

元时明月宋时关,杜宇声声夜色寒。
古堞犹存英烈气,山人指点石碑残。

钓鱼城怀古

宋家天子再家扶,半壁河山一柱孤。
不是王坚能钓鲤,蒙哥岂服九泉输。

钓鱼城偶题

朝野奢糜失宋都,汴州歌舞到西湖。
民心殆尽山河破,剩此鱼城一柱孤。

登钓鱼城新东门

雄关古道暮云中,百尺楼台一望空。
往昔风流青史载,江山岂止夕阳红。

鱼山释疑

当时受降莫猜疑,为免屠城倒宋旗。

气数从来皆有定,江山只合为苍黎。

护国寺见桂

钓鱼山寺桂如金,三日不来香透心。
折取一枝城里去,让人知晓已秋深。

鱼山夜宿

八月风来没噪蝉,驱车借宿入云烟。
鱼山夜半添新雨,敲打残荷不让眠。

钓鱼城见摩崖

鱼城墨客字如花,醉后题诗写崖崖。
信手涂鸦君莫笑,他年或许可笺抄。

陈仁德(忠县)

钓鱼城诗吟六首

雨中游合川钓鱼城

云开犹见旧城门,想象当年尽血痕。
处处残垣生野草,满山风雨吊忠魂。

宿钓鱼城与诸君茗饮月下

松风入座拂人衣,雾霭沉沉月向西。
坐到夜阑灯黯后,空山寂寞子规啼。

谒钓鱼城忠义祠

慷慨悲歌彼一时,孤城独挡虎狼师。
千秋浩气应犹在,日暮烟横忠义祠。

钓鱼城即兴

榕荫遮座又秋凉,枝上蝉鸣叶欲黄。
天际飞来云万里,山头把盏俯三江。
孤城曾折蒙哥帆,片石犹存宋代墙。
千古英雄今已矣,长留正气自堂堂。

钓鱼城即兴

孤城寂寂暮云寒,八百年来血未干,
地下英灵应有恨,胡尘毕竟入临安。

重游钓鱼城

废垒苍凉起暮烟,横飞炮火想当年。
凛然千古英雄气,曾折堂堂上帝鞭。

奉春(渝中)

钓鱼城绝句四首

一
钓鱼城下起胡笳,三十多年战一涯。
再看当初入侵者,全然融入大中华。

二
弹丸之地有何争?偌大寰球任尔横。
拓土开疆牛气壮,岂知命陨钓鱼城。

三
凭栏登上钓鱼城,阵阵惊涛拍岸生。
南宋老祠忠烈在,为何不见蒙哥陵。

四
钓鱼城角小山门,阴差阳错留史痕。
不是英雄谁敢过,蒙哥在此变亡魂。

陈长青(大渡口)

钓鱼城诗吟五首

雨后登钓鱼城

古塞谒孤忠,萧然雨带风。
犹疑遗恨远,未肯罢刀弓。

钓鱼台感怀

又上钓鱼台,仙家去未回。
镜容添白发,石刻覆苍苔。
古迹堪频吊,人生少自哀。
登临怀浩气,便觉远尘埃。

钓鱼城赞

雄关傲立大江横,独当蒙军十万兵。
卅六年间经百战,折鞭之地勒英名。

再游钓鱼城

碎尽金瓯此独存,千秋浩气自雄浑。
硝烟早散山中雨,崖壁犹留劫后痕。
又与诗朋登故垒,再将敬意谒忠魂。
日迟欲去仍回望,砥柱岿然护国门。

钓鱼城忠义祠吊王立与熊耳夫人
宋塞崇祠八百春,红颜白骨已成尘。
久支独木诚堪敬,终救屠城更可珍。
偏室三江翻毁誉,当时九鼎尽沉沦。
能全十万军民命,岂应千秋骂贰臣。


张梦云(渝北)

钓鱼城绝句三首

一
江晚春深杜宇啼,一川烟草又萋萋。
沙场已没青苔里,风起犹如万马嘶。

二
野绿荒云埋旧庐,青山雨后翠如初。
狼烟烽火俱飘远,碧水千秋映碧虚。

三
古木阴阴掩戍楼,苍崖雕刻记前游。
江山无有兴亡恨,云水汤汤只自流。



罗辉华(江北)

钓鱼城诗吟三首

登钓鱼城有感

铁骑挥鞭倾四海,军民十万镇三江。
若非国破忠难尽,誓守孤城不得降。

题王坚记功碑

石照经年战火收,一城草木记春秋。
疾风能抹英雄志?大义今仍立合州。

阮郎归·壬寅春暮游钓鱼城

钓鱼山下雨痕清,嘉陵江水盈。桐林低黛起歌声,云过风自鸣。
跑马道,古军营,校场没白翎。戍歌起处数生平,浮名万古轻。

兰洪绪(铜梁)

钓鱼城诗吟三首

登钓鱼城有感

固守危峰数十年,汹汹铁骑顿茫然。
蒙哥中石龙无首,世祖退兵元建边。
九口锅犹余火药,六围碾尚漫炊烟。
凭栏遥瞰三江水,闲映秋云故垒前。

钓鱼城怀古

千古大江无语流,波摇故垒影悠悠。
若非桓肃中飞炮,胡马踏平天尽头。
浩荡天风掠此城,恍听故垒奋戈声。
滔滔不息三江水,犹颂英雄家国情。

桓肃:蒙哥谥号。

于宗涛(渝北)

钓鱼城诗吟四首

钓鱼城九口锅

峰头九口锅,舀水煮山河。
风雨添调料,千年故事多。

壬寅春暮游钓鱼城

一山野雾雨飞烟,吾辈登临忆旧年。
攻守战留千古册,死生魂告九州天。
将军铁血当封圣,上帝无情必折鞭。
但得汉家精魄在,胡缨不渡钓鱼川。

护国门怀古

今上鱼山觅古痕,千秋忠义有余温。
青书曾记三江水,胡马难摧护国门。
不是将军无铁骨,只因赵宋已黄昏。
中原独钓风犹泣,拍岸声声忆壮魂。

登钓鱼台

晴川日夜未停休,吊古凭今岭上头。
卫国卫民谁对错?孰轻孰重各欢愁。
城因一战千年誉,水汇三江八百秋。
我辈登临思往圣,钓鱼台畔忆悠悠。